

CEMENTARA KAKANJ

PRIMJEDBE NA ZAKON O POREZU NA DOBIT

Mislimo da akcenat u primjedbama treba staviti na poreske olakšice.

Trenutno važeće poreske olakšice stimuliraju proizvodnju i izvoz kao osnove razvoja realnog sektora, a samim time i cjelokupne privrede jedne države. Razvoj proizvodnje i izvoza za sobom povlači razvoj svih ostalih privrednih sektora u državi. Radna mjesta otvorena u proizvodnji višestruko se multipliciraju na otvorenje novih radnih mjesta u trgovini i uslužnim djelatnostima, te se samim time povećava dobit privrednih subjekata u tercijarnom sektoru.

Trenutno važeće poreske olakšice u tom pogledu omogućuju i potiču „zdrave“ privredne subjekte u Federaciji BiH, kao i strane investitore, da ostvarenu dobit usmjeravaju u proizvodnju i na taj način umjesto povlačenja kapitala stvaraju novu vrijednost, otvaraju nova radna mjesta u proizvodnji i povećavaju konkurentnost same države.

Investiranje vodi povećanju broja zaposlenih i povećanju oporezive dobiti ili kroz nove kapacitete i dodatne vrijednosti ili kroz povećanje efikasnosti i na taj način povećanje dobiti. To su direktni pozitivni uticaji na budući budžetske prihode. Međutim postoji i indirektni uticaji koji nisu zanemarljivi. Da bi se investiralo 20 miliona KM što je donji limit po postojećem zakonu pored opreme koja se uvozi sve ostale radove izvode domaće kompanije te se na posredan način zapošljava veliki broj radnika i povećavaju budžetskih prihodi.

Ništa manji značaj nema ni poreska olakšica po osnovu izvoza. Da bi se izvozilo potrebno je povećanje proizvodnje što vodi povećanju broja zaposlenih a s druge strane za povećanu proizvodnju su potrebni dodatni kapaciteti što vodi dodatnom investiranju. Ukidanje poreske olakšice po osnovu izvoza sigurno će dovesti do značajnog pada izvoza a to znači i povećanja armije nezaposlenih i u krajnjem do smanjenja budžetskih prihoda.

Ukidanje trenutno važećih poreznih olakšica kratkoročno bi pokrilo budžetske potrebe, dok bi dugoročno dovelo do „gušenja“ proizvodnje i izvoza, povlačenja stranog kapitala, smanjenja novih investicija, smanjenja broja radnih mjesta, a što bi ozbiljno utjecalo na ukupnu ekonomsku, te političku stabilnost države.

Iz tog razloga predlažemo se da se vrate brisani porezni poticaji iz članova 31. i 32. postojećeg Zakona.

Zehra Obralića
Financial Director

Tvornica cementa Kakanj dd
Selima ef. Merdanovića 146